

世說新語(三)
大業雜記



大
業
雜
記

杜
寶
撰

中
華
書
局

世說新語
三

劉義慶撰

中華書局

大業雜記

唐 杜 寶撰

大業元年，敕有司於洛陽故王城東營建東京，以越國公楊素爲營東京大監，安德公宇文愷爲副，廢三嵎舊道，令開剷柵道。時有術人章仇太翼表奏云：「陛下是本命人，雍州是破木之衝，不可久住。」開皇之初，有童謠云：「修治洛陽還晉家。」陛下曾封晉王，此其驗也。帝覽表，愴然有遷都之意。卽日車駕往洛陽，改洛州爲豫州。自豫州至京師八百餘里，置一十四頓，頓別有宮，宮有正殿，發河南道諸州郡兵夫五十餘萬，開通津渠，自河起滎澤入淮千餘里，又發淮南諸州郡兵夫十餘萬，開邗溝，自山陽淮至于楊子入江，三百餘里，水面闊四十步，通龍舟，兩岸爲大道，種榆柳，自東都至江都二千餘里，樹蔭相交，每兩驛置一宮，爲停頓之所，自京師至江都，離宮四十餘所。

東都大城，周迴七十三里，一百五十步，西拒王城，東越漣澗，南跨洛川，北踰谷水，宮城東西五里，二百步，南北七里，城南東西各兩重，北三重，南臨洛水，開大道，對端門，名端門街，一名天津街，闊一百步，道傍植櫻桃石榴兩行，自端門至建國門，南北九里，四望成行，人由其下，中爲御道，通泉流渠，映帶其間，端門卽宮南正門，重樓，樓上重，名大微觀，臨大街，直南二十里，正當龍門，出端門百步，有黃道渠，渠闊二十步，上有黃道橋，三道，過渠二百步，至洛水，有天津浮橋跨水，長一百三十步，橋南北有重樓四所，各高百餘尺。

過洛二百步。又疏洛水爲重津渠。闊四十步。上有浮橋津。有時開闔。以通樓船入苑。重津南百餘步。有大堤。堤南有民坊。坊各周四里。開四門。臨大街。門並爲重樓。飾以丹粉。洛南有九十六坊。洛北有三十坊。大街小陌。縱橫相對。自重津南行盡六坊。有建國門。卽羅城南正門也。門南二里有甘泉渠。疏洛入伊。渠上有通仙橋。五道。時人亦謂之五橋。橋南北有華表。長四丈。各高百餘尺。建國門西二里有白虎門。門西二里至苑城。傍城南行三里。有天經宮。宮南二里有仙都宮。並置先帝廟堂。建國門東五里有長夏門。門南二里至甘水渠。渠南五里至伊水。水東北流十餘里入洛。端門西一里有右掖門。門南過黃道渠。橋南道西有右候衛府。出右掖門。門旁渠西二里有龍天道場。南臨石瀉口。卽煬帝門師濟閣梨所居。石瀉東西三百餘步。○說郛唐宋叢書三作二闊五十餘步。深八尺。並川青大石。長七八尺。厚一尺。自上至下。積三重。並用大鐵爲細腰。互相鈎牽。亦非常之牢固。正當瀉口三十步。初造瀉之時。鑿地得大窖。容千斛許。於是填塞。瀉成不過一年。卽破碎。上令濟閣梨呪之。後更修補得立二年。閣梨亡。還復毀破。前後計用四十萬。上以瀉王城池水下黃道渠入洛。端門東有左掖門。門南道左有左候衛府。左掖門東二里有承福門。卽東城南門。門南洛水有翊津橋。通翻經道場。新翻經本。從外國來。用貝多樹葉。葉形似枇杷。葉面厚大。橫作行書。約經多少。綴其一邊。牒牒然。今呼爲梵筴。道場北有道術坊。並是陰陽梵呪有道術人居之。向有百餘家。東城東有宣仁門。臨大街。街大小與天津街相似。東行盡六坊。有上春門。門外夾道南北。有東西道。諸都邸百餘所。每年朝集使停止之處。并新戶坊東至雙槐樹三里。宮城正門曰則天門。南去端門五百步。則

天門東行二百步有興教門興教門一里有重光門即東宮正門門東二百步有泰和門並重觀門內即
 左右藏左藏有庫屋六重重二十五間間一十七架總一百五十間右藏屋兩重總四十間屋大小如左
 藏左絲綿布絹右鈔麥金銅鼓雜香牙角出則天門南橫街直東七百步有東太陽門門東即東城門東街北行三里有含
 嘉門門北即含嘉城城北德猷門出含嘉城西有圓壁門門西有圓壁城城正南有曜儀門門南即曜儀
 城城南玄武門門內即宮出則天門南橫街直西七百步有西太陽門出門道西南行第一院齊王宅第
 二院燕王宅第三院陳王宅第四院代王宅第五院越王宅宅西拒周王古城城西即入苑則天門南八
 十步過橫街道東有東朝堂道西有西朝堂西連內史省省西連謁者臺臺連右翊衛府府西抵右掖門
 街街西有螽庫庫西即西馬坊坊西抵西城西朝堂第二街北壁第即右驍衛府府西連右禦衛府府西
 抵右掖門街街西有子羅倉倉有鹽二十萬石子羅倉西有粳米六十餘窖窖別受八千石窖西至西城
 西朝堂南第三街第一御史臺臺西連祕書省省西連尙食庫庫西連右監門府府西連長秋監監西抵
 右掖門街街西即掌醢署署西連良醴署署西至粳米窖坊東朝堂東連門下省省東殿內省省東連左
 掖衛府府東即抵左掖門街街東即西錢坊坊連東錢坊說郭唐宋叢書作坊東連東錢坊東朝堂南第二街第一左驍
 衛府府東連左備身府府東左武衛府府東連左屯衛府府東連左禦衛府府東抵左掖門街街東即少
 府監監東即城東朝堂南第三街第一司隸臺臺東連光祿寺寺東連左監門府府東連太府寺寺東抵
 左掖門街街東即少府監連南監監東至城出東太陽門街北道東第一街有鴻臚寺寺東有司農寺寺

東連太常寺。寺東拒城第二街。卽宣仁門大道。大道北卽尙書省。第三街將作監。監東連太僕寺。寺東至城。第四街有衛尉寺。寺東連都水監。監東宗正寺。寺東連大理寺。寺東拒城。則天門兩重觀。觀上曰紫微觀。左右連闕。闕高百二十尺。門內四十步。有永泰門。門東二百步。至會昌門。永泰西二百步。至景運門。並步廊連。市坐宿衛兵。永泰門內四十步。有乾陽門。並重樓。乾陽門東西。亦軒廊。周市門內一百二十步。有乾陽殿。殿基高九尺。從地至鴟尾。高二百七十尺。○說郭唐書二作一十三間。二十九架。三陸階。一作軒。文槐鏤檻。纓櫨百重。棗拱千構。雲楣綉柱。華棖璧璫。○說郭唐書二作一窮軒。甍之壯麗。其柱大二十四圍。倚井垂蓮。仰之者眩曜。南軒垂以朱絲網絡。下不至地七尺。以防飛鳥。四面周以軒廊。坐宿衛兵。殿廷左右。各有大井。井而闊二十尺。庭東南西南。各有重樓。一懸鐘。一懸鼓。刻漏則在樓下。隨刻漏則鳴鐘鼓。大殿北三十步。有大業門。門內四十步。有大業殿。規模小於乾陽殿。而雕綺過之。乾陽殿東。有東上閣。閣東二十步。又南行六十步。有東華門。門東四十步。道北有文成門。門內有文成殿。周以軒廊。東華門南四十步。左延福門。出門東行一百步。至章善門街。乾陽殿西有西上閣。入內宮。閣西二十步。又行六十步。有西華門。出門西三十步。道有武安門。門內有武安殿。周以軒廊。西華門南四十步。有右延福門。出門西行一百步。至明福門街。大業、文成、武安、三殿。御坐見朝臣。則宿衛隨入。不坐。則有宮人。○說郭唐書不坐則有四種枇杷、海棠、石榴、青梧桐。及諸名藥奇卉。東有大井二。而闊十餘尺。深百餘尺。其三殿之內。內宮諸殿甚多。不能盡知。則天門東二百步。有興教門。門北三十殿。有會昌門。門北二百步。有章善門。入內尙食。進食。

尙藥進藥內尙進物皆由此門。會昌門內道左有內殿內省少府內監內尙光祿內廚道右門下內省左六衛內府左監門內府入章善門橫街東百二十步有重潤門東有東宮則天門西二百步有光政門門北三十步有景運門門北二百步有明福門入內宮命婦入朝學士進書皆由此門入景運門內道左有內史內省祕書內省學士館右監門內府右六衛內府鷹坊內甲庫道右命婦朝堂惠日法雲二道場通眞玉清二元壇接西馬坊入明福門北行三十步有元靖門門內有元靖殿周以軒廊卽宮內別供養經像之處出元靖門橫街東行四十步有修文殿西行百步有閭闔重門門南北並有仰觀臺高百尺門西卽入寶城城內有儀鸞殿殿南有烏桺林栗林有蒲桃架四行行長百餘步架南有射堂對閭闔門直西二百二十步有寶城門出北傍城三里。有方諸門門卽員壁城出寶城門西行七里至青城宮宮卽西苑之內也。

元年夏五月築西苑周二百里其內造十六院。屈曲遶龍鱗溝。○說郭唐宋叢書總上有周字漢作渠其第一延光院第二明彩院第三合香院第四承華院第五凝暉院第六麗景院第七飛英院第八流芳院第九耀儀院第十結綺院第十一百福院第十二萬善院第十三長春院第十四永樂院第十五清暑院第十六明德院置四品夫人十六人各主一院庭植名花秋冬卽翦雜彩爲之色淪則改著新者其池沼之內冬月亦翦綵爲菱荷每院開東西南三門門並臨龍鱗渠渠面闊二十步上跨飛橋過橋百步卽種楊柳脩竹四面鬱茂名花美草隱映軒陛其中有逍遙亭八面合成。○說郭唐宋叢書八作四鮮華之閣○鮮華疑誤唐宋叢書本作結構冠絕今古其

十六院例相傲毀。每院各置一屯。屯卽用院名。名之。屯別置正一人。副二人。並用宮人爲之。其屯內備養芻豢。穿池養魚。爲園圃。蔬植瓜果。四時餽膳。水陸之產。靡所不有。其外遊觀之處。復有數十。或泛輕舟。畫舸。習採菱之歌。或升飛橋閣道。奏春遊之曲。苑內造山爲海。周十餘里。水深數丈。其中有方丈。蓬萊。瀛州。諸山。相去各三百步。山高出水百餘尺。上有通真觀。集靈臺。總仙宮。分在諸山。風亭月觀。皆以機成。或起或滅。若有神變。海北有龍鱗渠。屈曲周遶十六院入海。海東有曲水池。其間有曲水殿。上已楔飲之所。每秋八月月明之夜。帝引宮人三五十騎。人定之後。開圓闔門。入西苑。歌管達曙。諸府寺因乃置清夜遊之曲數十首。初。衛尉卿劉權。祕書丞韋萬頃。總監築宮城。一時布兵夫周市四面。有七十萬人。城周匝兩重。延袤三十餘里。高四十七尺。六十日成。其內諸殿基。及諸牆院。又役十餘萬人。直東都土工監。常役八十餘萬人。其木工。瓦工。金工。石工。又役十餘萬人。河南郡在宜範里西北。去宮城七里。河南縣在政化里。去宮城八里。在天津街西。洛陽縣在德茂里。宣仁門道北。西去宮城六里。大同市周四里。在河南縣西一里。○說郛唐宋衆書作十里。出上春門。傍羅城南行四百步。至漕渠。傍渠西行三里。至通遠橋。橋跨漕渠。橋南卽入通遠市。二十門分路入市。市東合漕渠。市周六里。其內郡國舡船。舳舻萬計。市南臨洛水。跨水有臨寰橋。橋南二里。○說郛唐宋衆書作三里。有豐都市。周八里。通門十二。其內一百二十行。三千餘肆。甍宇齊平。遙望一如榆柳交陰。通渠相注。市四壁有四百餘店。重樓延閣。互相臨映。招致商旅。珍奇山積。出上春門東十二里。有亭子宮。宮南臨漕渠。東臨積潤池。池東二十里。有華林園。備池塘臨玩之處。建國門西南十二里。有景華宮。宮

內有含景殿及射堂樓觀池隍十餘里有甘泉宮一名芳潤宮周十餘里宮北通西苑其內多山阜○說宋書崇峯曲澗秀麗標奇其中有圓風亭麗日亭棲霞觀行雨臺清暑殿南有通仙飛橋百尺矚青蓮

崇峯上有翠微亭遊賞之美於斯爲最大業元年春遷都未成敕內史舍人封德彝於此置宮又敕揚州總管府長史王弘大修江都宮又於揚州造臨江宮內有凝暉殿及諸堂隍十餘所又敕王弘於揚州造舟及樓船水殿朱航○原本及唐宋書朱作水注一作板棚板舫黃篋舫平乘艤舳輕舸等五千餘艘八月方得成城

九月車駕幸江都宮發藻澗宮○說唐書無宮字有日暮二字宿平樂園顧自漕渠口下乘小朱航行次洛口御龍

舟皇后御翔螭舟其龍舟高四十五尺闊五十尺長二百尺四重上一重有正殿內殿東西朝堂周以軒廊中二重有一百六十房皆飾以丹粉裝以金碧珠翠雕鏤奇麗○說唐書鏤作刻加以流蘇羽葆○說唐書加

綵朱絲網絡下一重長秋內侍及乘舟水手以青絲大條繩六條兩岸引進其引船人並名殿脚一千八

十人並著雜錦綵裝襖子行纏鞋襪等每繩一條八十人分爲三番每一番引舟有三百六十人其人並取江淮以南少壯者爲之皇后御次水殿名翔螭舟其殿脚有九百人又有小水殿九名浮景舟並三重朱絲網絡已下殿脚爲兩番一艘一番一百人諸嬪妃所乘又有大朱航三十六名漾彩舟並兩重加網絡貴人美人及十六夫人所乘每一艘一番殿脚百人又有朱鳥航二十四艘蒼螭航二十四艘白虎航二十四艘玄武航二十四艘並兩重其架船人名爲船脚爲兩番一艘一番六十人又有飛羽舫六十艘

一重。一艘一番。四十人。又有青鳬舸十艘。凌波舸十艘。宮人習水者乘之。往來供脚。一作已上殿脚及船脚四萬餘人。有五樓船五十二艘。諸王公主及三品已下坐。給黃衣夫一艘別四十人。三樓船一百二十艘。四品官人及四道場元壇僧尼道士坐。給黃衣夫船別三十人。又有二樓二百五十艘。五品已上及諸國番官乘。黃衣夫船別二十五人。板舸二百艘。載羽儀服飾百官供奉之物。黃衣夫船別二十人。黃篋舸二千艘。六品已下九品以上從官坐。并及五品已上家口坐。並船別給黃衣夫十五人。已上黃衣夫四萬餘人。又有平乘五百艘。青龍五百艘。鱣舸五百艘。鱣腰五百艘。八櫂舸二百艘。舳舻相繼。二百餘里。騎兵翊兩岸。二十餘萬。每行次諸部界五百里之內。競造食獻多者。一州百舁。于時天下豐樂。雖此差科未足爲苦。文武百司並從。別有步騎十餘萬。夾兩岸翊舟而行。

冬十月。車駕至江都。

十二月。置城皋關於武牢城西邊。黃河汜水之上。

二年正月。帝御成象殿元會。

○唐宋叢書本元作大

設庭燎於江都門。朝諸侯成象殿。卽江都宮正殿。殿南有成象

門。門南卽江都門。

二月。大駕出楊子。幸臨江宮。大會。賜百寮赤錢於凝暉殿。蒲戲爲樂。

四月。敕土工監丞任洪則開東都漕渠。自宮城南承福門。分洛水東至偃師入洛。又連洛水湍淺之處。名

千步陂。口兩磧東至洛口。通大船。入通遠市。○說郭唐宋設書脫又

五月。敕江南諸州。科上戶分房入東都住。名爲部京戶。六千餘家。

六月。學士祕書監柳顧言。學士著作佐郎王曹等。撰長洲玉鏡一部。四百卷。帝謂顧言曰。此書原本出自華林徧略。然無復可加。事當典要。其卷雖少。其事乃多於徧略。對曰。梁主以隱士劉孝標撰類苑一百二十卷。自言天下之事畢盡。此書無一物遺漏。梁武心不伏。即敕華林園學士七百餘人。人撰一卷。其事數倍多於類苑。今文口又富梁朝。是以取事多於徧略。然梁朝學士取事。意各不同。至如寶劍出自昆吾溪。照人如照水。切玉如切泥。序劍者盡錄爲劍事。序溪者亦取爲溪事。撰玉者亦編爲玉事。以此重出。是以卷多。至如玉鏡則不然。帝曰。誠如卿說。○說郭唐宋叢書此條缺

七月。自江都還洛陽。敕於汾州西北四十里。臨汾水起汾陽宮。即管涔山河源所出之處。當盛暑日。臨河盥漱。即涼風凜然。如八月九月。宮南五十餘里。有分水嶺。上四十里。下亦四十里。嶺上有泉出。兩邊分流。闊數步。宮北三十里。即是舊秦時長城也。○此上二十四字說郭唐宋叢書缺

道士潘誕。言能合不死之藥。帝乃於嵩山造館。名嵩陽館。八年。金丹不成。斬之。

九月。改三侍爲三衛。親衛六品。勳衛七品。翊衛八品。又置左右十二衛。府官有大將軍。從三品。將軍。從四品。武賁郎將。二人。從四品。武牙郎將。二人。從四品。鷹揚郎將。鷹擊郎將。各四人。並從五品。又改侍官爲熊渠豹騎。旄頭羽儀。又改武候府爲候衛府。○此上二條說郭唐宋叢書缺

三年帝御崇德殿。不怡曰。先朝不甚御此殿。宜於此館之西。別爲一殿。因乃造承乾殿。後改爲毓德殿。京在師行次金城郡。黨項羌首朝見。帝問曰。古有先零。燒當等種落。爾是何者之後。對曰。相傳獼猴之後。帝笑之。至浩亶川。橋成乃行。先是造觀風行殿三間兩廈。丹柱素壁。雕梁綺棟。一日之內。巋然峙立。夷人見此。莫不驚駭。以爲神異。

六月。敕開永濟渠。引汾一作汾水入河。又自汾一作汾水東北開渠。合渠水。至于涿郡。二千餘里。通龍舟。

十月。敕河北諸郡。送工藝戶陪東都。三千餘家。於建陽門東道北。口十二坊。北臨洛水。給藝戶居住。十二月。改天下州爲郡。郡置贊治。五品。丞六品。○說郭唐宋叢書此條缺。

四年二月。自京師還東都。造天經仙都二宮。

九月。自塞北還。○說郭唐宋叢書作塞。至東都。改胡牀爲交牀。改胡瓜爲白露黃瓜。改茄子爲崑崙紫瓜。

梁都有清泠泉水。周闕二里許。卽衛平所得大龜之處。清泠水南有橫濱。東南至碭山縣。西北入通濟渠。忽有大魚似鯉。有角。從清泠水入通濟渠。亦唐興之兆。

五年。吳郡送扶芳二百樹。其樹蔓生。纏繞它樹。葉圓而厚。凌冬不凋。夏月取其葉。微火炙使香。煮以飲。碧綠色。香甚美。令人不渴。先有壽禪師。仁壽間。常在內供養。造五色飲。以扶芳葉爲青飲。拔楔根爲赤飲。酪漿爲白飲。烏梅漿爲玄飲。江筆一作筆莖○莖與柱並疑誤說郭唐宋叢書莖作莖柱作柱案柱疑當作莖爲黃飲。又作五香飲。第一沉香飲。次丁香飲。次檀香飲。次澤蘭香飲。次甘松香飲。皆有別法。以香爲主。尚食直長謝諷造淮南玉食經。有四時

飲。春有扶芳飲。桂飲。江茱一作桂飲。竹葉飲。養花飲。桃花飲。夏有酪飲。烏梅飲。加蜜沙糖飲。薑飲。加蜜穀葉

飲。皂李飲。麻飲。麥飲。秋有蓮房飲。瓜飲。香茅飲。加沙糖茶飲。麥門冬飲。葛花飲。檳榔飲。冬有茶飲。白草一作

華飲。枸杞飲。人參飲。若飲。魚佳飲。蘇子飲。並加米糲。○此上九十五字。說郭唐宋叢書缺。

尚書令楊素於東都造宅新成。僧於宮省宅方三百步。門院五重。高齋曲池。時爲冠絕。旣而將入。遣人就

衛尉少卿蘭陵蕭吉請擇良日。吉知其不終。必致禍敗。在於此宅。乃以斗加書一卷。封付使人。此書全述

死喪之事。極凶惡之書也。素焚於前庭。素宅內造沉香堂成。閉之三日。開視。四壁並爲新血所洒。腥氣觸

人。○說郭唐宋叢書此條缺。

六年四月帝幸隴川宮避暑。

敕撰區宇圖志一千二百卷。卷頭有圖。敍山川。則卷首有山水圖。敍郡國。則卷首有郭邑圖。敍城隍。則卷

首有公館圖。其圖上題書。字極細。並是歐陽肅書。卽率更令詢之長子。別造新樣紙。長○此下當有脫文。說郭唐宋叢書此

條缺。

十二月。敕開江南河。自京口至餘杭郡。八百餘里。水面闊十餘丈。又擬通龍舟。並置驛宮草頓。並足欲東

巡會稽。

十年。總兵東進。幸北平榆林宮。

弘農郡太守蔡玉以國忌之日。於弘敬寺設齋。口忽黑雲從東北來。官人猶未行香。並在殿前聚立。仰看

見兩童子衣赤、兩童子衣青，俱從雲中下。赤衣先至殿西南角柱下，抽出一白蛇，丈餘，仰擲雲中，少選，蛇從雲直下，還入所出柱下。於是青衣一人捧柱，一人從空下，又拔出一白蛇，長二丈許，擲入雲中而去。□家謂此柱腹空，鑿柱至心，果空，爲龍之所藏隱。○此下二條說郭及唐宋叢書本並缺。

製成新書，凡三十一部，總一萬七千餘卷。入觀文殿寶廚，初欲遷都洛陽，移京師，嘉則殿書三十七萬卷。大業元年，敕柳顧言等入嘉則殿簡次，此□第一本。後缺。

四月，車駕幸汾陽宮避暑。宮地卽汾河之源，上有山名管涔，高可千仞。帝於江山造亭子十二所，其最上名翠微亭，次圓風、彩霞、臨月、飛芳、積翠、合璧、含暉、凝碧、紫富、澄景。最下名尙陽亭。亭子內皆縱廣二丈，四邊安劍門，每亭鋪六尺榻子一合。山下又有臨汾殿，敕從官縱觀。

十二年春正月，又敕毘陵郡通守路德集十郡兵，近數萬人，於郡東南置宮苑，周十二里。其中有離宮十六所，其流觴曲水，別有涼殿四所，環以清流，共四殿。一曰圓基，二曰結綺，三曰飛宇，一作雨。四曰漏景。其十六宮，亦以殿名。名宮：芳夏池之左，一曰驪光宮，二曰流英宮，三曰紫芝宮，四曰凝華宮，五曰瑤景宮，六曰浮綵宮，七曰舒芳宮，八曰懿樂宮。左第一曰采壁宮，二曰椒房宮，一作風宮。三曰朝霞宮，一作海暑。四曰珠明宮，五曰翼仙宮，六曰翠微宮，七曰層成宮，八曰千金宮。及江左叛，燔燒遂盡。又欲於西穴造宮，未就而天下大亂。

十二月，修丹陽宮，欲東巡會稽等郡。羣臣皆不欲。○以上三條續談助本，無據。唐宋叢書錄補。

大業雜記跋

唐志杜寶大業雜記十卷。直齋書錄解題云。紀煬帝一代事。序言貞觀修史未盡實錄。故爲此書。以彌縫闕漏。郡齋讀書志云。起隋仁壽四年煬帝嗣位。止越王侗皇太三年王世充降唐事。按寶生唐初。聞見當得其實。惜其書已佚。存於晁伯宇續談助者。僅寥寥數帙。以說郛唐宋叢書所錄校之。互有出入。而晁本較勝。今以晁爲主。而以兩本參之。起大業元年。止於十二年。略存其概。未知能當十卷之幾也。崇文總目題作大業拾遺。與僞顏師古南部煙花錄一名相亂。然雅俗相判殊遠。太平廣記數引大業拾遺。吳郡志亦引雜記白魚種子數條。說郛於雜記誤題爲南宋劉義慶作。而別出杜寶大業拾遺錄七條。並與此扶芳樹條文頗相近。以無關事實。不及一一刺取云。雪枝氏識。